

ILUARSIISSUT

Aalajangiiffigisassatut siunnersuut 4. Marts 2016-imeersoq taarserpaa
(Oqaatsit ataasiakkaat allangortinneqarput)

Naalackersuisut matumuuna Inatsisartut suleriaasianni § 33 naapertorlugu aalajangiiffigisassatut siunnersuut manna saqqummiuppaat:

Inuup sananeqaataasa ilisarnaataannik qitiusumik nalunaarsuiffik pillugu inatsisip atuutilersinneqarneranik peqqussutissamut siunnersuut aamma inuup sananeqaataasa ilisarnaataannik qitiusumik nalunaarsuiffik pillugu inatsisip, eqqartuussisarneq pillugu inatsisip aamma qamutinik assakaasulinnik nalunaarsuisarneq pillugu inatsisip allangortinneqarnerannik inatsimmi § 1-ip Kalaallit Nunaanut atuutilersinneqarneranik peqqussutissatut siunnersuummut (Naalagaaffinnik Den Europæiske Unionip avataneersunik inuup sananeqaataasa ilisarnaatai, pussuit ipaasa assilineqarnerinik aamma qamutit pillugit paasissutissanik paarlaateqatigiittarneq) Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.

(Pinnngortitamut, Avatangiisinut Inatsisinillu Atuutsitsinermut Naalackersuisoq)

Tunngavilersuut

Qitiusumik Dna-mut Nalunaarsuiffik pillugu inatsisip atuuttussangortinneqarnissaanut peqqussut.

Aalajangiiffigisassatut siunnersuummi qitiusumik dna-mut nalunaarsuiffimmik, politiit pinerluutininik, soorlu toqutsinernik, kinguaassiutitigut pinngitsaaliinernik meeqqanullu kannguttaatsuliornernik, misilittakkat malillugit pinerluuteqartup amerlanertigut timimik sananeqaataasa ilaannik qimatsiffigisartagaannik misissuinissamut periarfissaasa pitsaanerulernissaat siunertarineqarpoq.

Dna-mik nalunaarsuiffiup politiit nalunaarsugaannut pioreersunut, soorlu qitiusumik pinerluttulerinermi nalunaarsuiffimmut aamma Naalagaaffiup Politiivisa assaat ipaasa naqinnerinik nalunaarsuiffiannut, ataatsimut isigalugit pinerlunnissamut pinaveersaartitsinermi paasiniaanermilu iluaqutissatut siunertaqarfiusunut tapertaasarnissaa siunertarineqarpoq.

Dna-mut nalunaarsuiffiup politiit pinerluutininik paasisaqarnissamut periarfissaannik pitsannguinissamut tunngavissat pingasuupput:

- 1) Politiit timip sananeqaataasa ilaat suminngaanneerfissineqanngitsut, pinerluffiusumi nassaarineqartut dna-mut tunngasortaannik, dna-nut inuttarsineqarsimasunut nalunaarsuiffimmeereersunut assersuussinissamut periarfissaat pitsaanerulissapput.
- 2) Pinerluuteqartoq inuup pisataanik qimatsisimatillugu politiit pinerluttoqarsimatillugu pasilliinermi inunnik pisuunngitsunik pilertornerusumik iperaanissamut periarfissaqalissapput.
- 3) Dna-mut nalunaarsuiffik inuup ataatsip pinerlunnerni marlunni amerlanerusuniluunniit peqataasimanissaa ilimagineqartillugu, politiit aalajangiisinnaanissaannut periarfissiissaaq. Inuk pineqartoq kinaassusersineqanngikkaluarpuunniit, taamatut ilisimasaqarnermi inuk, soorlu arlaleriarluni kinguaassiutitigut

pinngitsaaliisimasinnaanerata paasineqarnera politiit misissuinerisa ingerlaqqinneranni aaqquussinermut pingaaruteqartussaavoq.

Qitiusumik Dna-mut Nalunaarsuiffik pillugu inatsimmi § 1-imi inatsimmut allannguutip, eqqartuussisaaseq pillugu inatsisip aamma qamutitik assakaasulinnik nalunaarsuisarneq pillugu inatsisip (dna, assaat ipaasa naqinneri aamma qamutit assakaasullit naalagaaffiit Europami Suleqatigiiffiup avataanniittut pillugit paasissutissanik avitseqatigiittarneq) Kalaallit Nunaannut atuuttussanngortinneqarnissaannut peqqussut.

Peqqussutissatut siunnersuutip aappaa Qitiusumik Dna-mut Nalunaarsuisarfik pillugu inatsimmi aalajangersakkamik, sulii Danmarkimi atuutilinngitsumik imaqarpoq. Maleruagassat Danmarkimi atuutileriarpata, peqqussut Kalaallit Nunaannut atuutinneqalissaaq. Taamaalilluni dna-mut nalunaarsuisarfimmik, Kalaallit Nunaannut, Savalimmiunut Danmarkimullu ataatsimoortumik atuussinnaasumik peqalernissaa qulakkeerneqassaaq.

Pisortanut aningaasaqarnermut allaffissornermullu sunniutissat

Aningaasartuutaanerussat politiinut sinaakkusiussat pioreersut iluannit akilerneqassapput.

Inuusutissarsiutinik ingerlataqartunut namminersortunut aningaasaqarnermut allaffissornermullu sunniutissat

Soqanngilaq.

Innuttaasunut aningaasaqarnermut allaffissornermullu sunniutissat

Soqanngilaq.

Tusarniaaneq

Inatsisunik Atuutsitsinermut Ministereqarfik tusarniaanermik ingerlatsisimavoq, tassanilu kalaallit oqartussaasui attuumassutillit akuutinneqarsimapput.

Saqqummiussinissamat allakkiassatut siunnersuut Aningaasaqarnermut Naalakkersuisoqarfimmut tusarniaassutigineqarsimavoq, tassanngaanniillu oqaaseqaateqartoqanngilaq.

Ilanngussat

1. Qitiusumik Dna-mut Nalunaarsuiffik pillugu inatsisip atuutinneqalernissaannut peqqussutissatut siunnersuummut missingiut.
2. Qitiusumik Dna-mut Nalunaarsuiffik pillugu inatsimmi § 1-imi inatsimmut allannguutip, eqqartuussisaaseq pillugu inatsisip aamma qamutitik assakaasulinnik nalunaarsuisarneq pillugu inatsisip (dna, assaat ipaasa naqinneri aamma qamutit assakaasullit naalagaaffiit Europami Suleqatigiiffiup avataanniittut pillugit paasissutissanik avitseqatigiittarneq) Kalaallit Nunaannut atuuttussanngortinneqarnissaannut peqqussutissatut siunnersuummut missingiut.
3. Tusarniaanermut akissuteqaatit